

莆

陽

文

獻

王陳丘許余傳第三十四

王邁字實之自號臞軒居士僊遊縣人父鑑擢紹興
元年第終古田主簿邁幼穎悟強記儼儼有奇節年
十一二下筆已驚人既冠以文謁鄉先正傅誠嗟
異謂他日必以文名世嘉定十年進士第四人授潭
州察推再調浙西帥幹考廷試詳定官王元春欲松
所親實高第邁顯擢其謬元春怒嗾李知孝誣邁在
殿廬語聲高免官調南外睦宗院教授真德秀再守
泉州邁竭忠以裨郡政召赴都堂審察丞相鄭清之
曰學官掌故不足挽吾實之屬德秀知貢舉邁為初

考德秀以邁讀快見快凡予奪升降多咨焉俄召試
學士院策以楮幣援據古今攷究本末謂國貧楮多
弊始於兵乾淳初行楮幣止二千萬時南北方休息
也開禧兵興增至一億四千萬矣紹定有事山東增
至二億九千萬矣議者徒患楮窮而弗懲兵禍姑以
今之尺籍校之嘉定增至二十八萬八千有奇用寡
謀之人試直突之說能發而不能收能取而不能守
今無他策核軍實塞邊釁救楮幣第一義也又言脩
內司營繕廣內帑宣索多厚施緇黃濫予嬪御若此
未嘗裁構徒聞有括田權鹽之議者向使二事可行

故相行之久矣更化伊始柰何取前日所不屑行者而行之又因楮以及時事言君子之類雖進而其道未行小人之迹雖屏而其心未服德秀病危在告謂陳瑒劉克莊曰實之策好進德未已數月喬行簡再相或傳史嵩之復用邁上封事曰天下之相不與天下共謀之是必冥冥之中有爲之也者且舊相奸愼刻薄天下所知復用則君子空於一網矣又言吳知古陳洵益撓政輪對言人主不可欺天人臣不可欺君陛下亦嘗自省惡旨酒果如禹乎不邇聲色果如湯乎戚里果皆陰興乎北司果皆呂強乎抑猶未也

非欺天歟又言陛下厚權臣之恩而忿然於同氣之
念此欺天之大者邁由踈遠見帝空臆無隱帝爲改容
言者劾邁論邊事過實改通判漳州會經祀雷雨求
言邁應詔畧曰天與寧考之怒久矣趙蘄致疾妖治
伐性初秋踰旬蹙不視事道路憂疑此天與寧考之
所以怒也隱刺再殺縱使燼尊寵經洽法數上行下效
京師外兵狂悖迭起此天與寧考之所以怒也陛下
不是之思方用漢災異免三公故事環顧在廷莫知
所付遥相崔與之臣恐與之不至政柄他有所屬此世道
否泰君子小人進退之機也於是臺官李大同劾邁

交結真德秀魏了翁洪咨夔以收虛譽削一秩免將
峴劾邁前疏妄論倫紀請坐以非所宜言之罪削二
秩久之復通判贛州福州建康府信州皆不行淳祐
改元通判吉州右正言江萬里袖疏榻前曰邁之才
可惜不即召將有老不及用之嘆帝以爲然有尼之者
遂止知邵武軍在郡詔以亢旱求言邁驛奏七事而
以撤龍翔宮立濟王後爲先時清之再相以左曹郎
官召立辭以直秘閣提點廣東刑獄亦辭改侍右郎
官諫官焦炳炎論罷予祠卒贈司農少卿邁以學問
詞章發身尤練世務易祓戒渾人曰此君不可犯奪

勢家冒占田數百畝以還民李宗勉嘗論邁然邁評
近世宰輔至宗勉必曰賢相徐清叟與邁有違言邁
晚應詔謂清叟有人望可用世服其公云

以宋史本
傳等書

陳謨字正仲祖驥字德純少與直講張讀參政李那
相厚善元符三年以舍選登進士第歷官宗學博士
時附蔡京者皆得美官驥與京同里不肯一見外除
通判温州以清白聞父豐字宜中以父蔭補官少工
文詞嘗作蟠桃賦贊見李柄柄大奇之初調建州戶
曹既而以詞賦魁福建漕薦第紹興十八年進士乙
科又中博學宏詞科差泉州教授丞相陳康伯薦其

學識高明足以通達國體文章典雅足以潤色皇猷除
刪定勅局方有所纂修或勸豐供職即得改秩豐不欲
躁進以疾辭廟堂高之次冬書成奏上改宣教郎累遷
國子博士時宰執皆知已豐每進見必推引寒畯未嘗
少及私孝宗登極令諸路監司各舉循吏二人豐居其
首朝廷處以湖北提舉豐不欲遠去俯就南恩守自效
廉官清儉無絲毫擾適歲旱瀝詞禱雨有云願俾微臣
特損數年之壽乞令閭境普沾三日之霖天果大雨是
歲卒于官民爲巷哭立祠祀之累贈特進諡年十二爲
山寇掠去露尸宵之不爲動官軍至賊驅迫以前諡伺

間投峻崖下以出無毫髮傷賊平而歸宗族鄉黨皆壯
之弱寇入大學力辭父捧表恩所得官以予其弟諒隆
興元年登進士第主臨寧縣簿調泉州教授累遷右司
郎中寧宗知其誠實可用除殿中侍御史因事而言不
許人過不獲已有所論擊亦但直指其事不傍及私慝
以論劾忤時相陳自強意徙太常少卿猶兼侍講俄遷
起居舍人力引退直寶謨閣奉祠而歸居半載起家江
西提刑召爲太常卿尋除兵部侍郎與權臣書權臣舊志不著
其名以此時考極陳用兵利害大畧謂虜勢雖弱未可
之說雖非胃也輕視故疆可念未易立取方今之計莫若先守禦之備

後攻取之圖庶幾有萬全而無一失不見聽遂乞補外
以集英殿脩撰知寧國府未幾除敷文閣待制提舉江
州太平興國宮嘉定初元再乞致仕封清源郡侯食邑
一千一百戶年八十二卒贈通議大夫諡於群籍無不
該貫賦詩屬文不爲險語而雅有典則尤工書法其大
字道勁處不減蔡君謨與人交無隱情而樂道人之善
家素清貧有田數十畝兄弟共之力成安利石馬二橋
以惠行者自少至老士林推重惟嘗攻僞學爲世所少
云弟諒字友仲以父蔭補官調永春縣尉改食書清海
軍判官遷知古田縣一意撫字不忍苛取人號爲佛子

及解歸帑歲無贏餘司財賦者以此沮諒朱文公言
於帥曰陳宰庶吏也若以此過適何以爲爲善者之
勸通判循州慶元初改知潯州郡舊無貢院士冒江
灘之險附試于藤諒至始爲申省部立貢院潯士德
之帥李大異嘉其能辟知象州卒于官

出名公
事述

丘奐字明遠祖惟溥嘗勸陳洪進納土叔祖隨慶曆
中蔡襄將漕本路舉八行不就勅授將仕郎守本軍
助教奐倜儻有大志嘗過紹興守李光館之一夕有
告州卒爲變者先倉皇咨所以處之奐告以急取兇
酋二人首標置城門諸營帖然紹興初詔舉山林遺

逸有謀議可裨國事者赴都堂議事郡以與克選進
書數十萬言皆恢復大計得旨堂察見丞相呂頤浩
乞留諸軍於鄱陽池陽無引淮東全軍退保鎮江建
康太平諸軍及論上流軍募防秋虔湖賊利害二十
餘劄頤浩大奇之屬淮甸有警頤浩都督八路與以
布衣入幙有功奏授迪功郎除湖北安撫使司幹辦
公事丞相張浚辟克都督府管田司幹官改秩除三
京宣諭司幹官時逆虜王威寇掠郡縣乃請於宣諭
方庭實單騎造威寨諸賊露刃以俟與撫諭有方威
即擁衆羅拜曰生我者宣諭也後劉錡帥荆南奏辟

輒下嘗與論兵錡喜曰吾生長兵間知兵者惟子子
蓋天授非祗上語一日沅州解降囚四十七人闔府
咸謂宜殺負曰溪洞嘯聚間或有之既降而戮永絕
招懷之路信者萬世乾坤也此而失之何以立大事
錡感而聽焉曰參議當於古人中求之奏貸其死分
封諸軍後多立功至顯官者除登聞鼓院因言事忤
權臣出守真州累贈中大夫孫微之字夢錫登乾道
二年進士第授廣州番禺尉嘗有監伏胥鎮者以權
稅苛取爲豪民訴丁漕臺命微之廉其事微之謂武
人舉事動觸典憲理在可恕委曲具上漕使謂其屬

曰丘尉君子長者人也廣多糶發凡三獲強盜未嘗
希賞及調肇慶校官湯邦彥謫新昌日以啓遺微之
有高若子貢不受賞清哉鄭虔爲廣文之句官至循
陽通判以朝奉大夫奉祠

出仙
縣志

許巽字少陽以禮學魁鄉薦第乾道五年進士知歸
善縣尉有捕民爲盜者巽驗問非實不爲理尉囊橐
上下必欲成賞太守入其說廷詰巽巽曰行法在太
守執法焉有司守不能強詞提點坑冶司主管文字
臬使宋之瑞欲薦巽以書今條上臬使利害巽曰某
書生安敢言利之瑞敬嘆秩滿累遷秘書郎力請補

外知滁州時監司及鄰郡皆有互送每月不下三百
餘緡巽以非法所當得盡歸之公帑胥吏畏服有以
白金餽吏亦不敢受曰秘書知之措身何地除成都
提點刑獄固辭乞郡改知漳州縉紳高之未上召赴
行在卒於建安道中巽嘗曰居官之要清字作根本
鶉衣穀食便了一生何暇積聚爲子孫計人號爲耐
貧翁官終朝散大夫子彥爲嘉定元年登第出仙志
余崇龜字景望與兄元一同年登進士歷官司農丞
賜對便殿除秘書丞兼權工部郎官時韓侂冑專權
蘇師且寄聲邀崇龜一見欲處以要津崇龜嘆曰呈

身御史古人所耻今日言路不得行志况一登廨後
之門則遺臭百世歸愆吾身可也蒞職甫兼旬進書
恩賞在即力丐補外知江州歲旱舉家蔬食爲民祈
禱已而果應累遷樞密院檢討文字佐冑敗丞相史
彌遠奏曰自權臣專政士夫趨附中立不倚在朝士
中獨崇龜一人即日除監察御史入奏其畧曰名器
天下之公共也比年以來率以私壞權臣奴隸官或
至於建節內官家奴寵或至於僭踰有自權卽不歷
州縣徑尹天邑有自初官不歷外任徑登內地名器
冗濫有如此者士夫風俗之倡也私意一起廉耻道

喪伺候於權要之門庭廢職事賂典客冀得一見以
爲榮歸授於權臣之所役稱門生呼恩府敗壞風教
而不恤或身叙譜系或願結姻連士氣卑陋有如此
者上可其奏嘉定改元令侍從臺諫稟議北虜議和
要求韓侂冑函首事廷臣盡主其議崇龜獨以爲侂
冑之罪固不可逭然函首送虜辱國甚矣遂不豫議
尋除兵部侍郎兼權給事中卒年六十一贈通奉大
夫子日華字君實第嘉泰二年進士歷官知潮陽縣
以除強宗不勝爲其所隔邑人惜之日華平生嗜讀
書尤工文翰所居有擷英閣藏書萬卷雜以法書名

晝日坐其間繙閱吟詠以自娛樂云

此係
誌

王陳丘許余傳第三十四

姚宗之薛元鼎傳第三十五

姚宗之字元仲興化縣人早歲以文學爲鄉先生鄭厚所稱許第紹興二十七年進士授吉州司戶叅軍
諸司知其才交章論薦乾道五年擢國子學錄稍遷
太常博士兼權吏部郎官請禁援例乞陳之弊惟一
遵成法進將作少監輪對上言三事一論今日法令
貴嚴而不貴寬制度貴質而不貴文任相貴遠業而
不貴其細謹用將貴成功而不貴其無過試人貴職
事而不貴其空言謀事貴十全而不貴其欲速二論
節度之官祖宗未嘗輕授今之將帥爵極欲滿一旦

有事間外處高堂大厦者難於行陣驅馳溺歌童舞
女者難於士卒甘苦願陛下以奔走豪傑爲用將之
術無極其爵而滿其欲三論國家方經畧中原泛使
必時遣焉用非其人徒辱命耳乞特置奉使一司選
擇堪任者儲之以備緩急之用上稱善再三左司張
栻無侍立官間其奏對語稱其議論剴切有古爭臣
風宗之以親老求外遂提舉福建路常平茶事復改
東浙常承詔覈實常平米因建言平糴廣儲乃所以
賑貧乏救水旱而追呼箠楚嗟怨之聲上千和氣戍
至於召水旱昔號爲仁政今轉成弊法願以新易陳

每歲兌易支遣庶幾實數常存以爲荒政之備上可
其奏移江南西路提點刑獄以母老請祠便養未遂
而母卒宗之尋亦卒宗之剛方廉直事親孝與人忠
嘗與時宰書以爲鱗次皆番蠅頭細字繆爲恭敬去
忠信逾遠頗以此取怒於人宗之略不之卹有戚里
進位樞筦慶者盈門而宗之獨未嘗至每語人云事
惟公故明惟勤故敏運使方崧卿稱其言可以爲蒞
官之範子渠建州錄事叅軍濠陽縣尉

出許
志

許元鼎字叔雲祖蕃宣和三年特科元鼎幼警敏四
歲日誦論語數百字十二三歲能屬文鄭厚嘗命之

爲文嘆曰此郎學根於道後來之俊也第紹興三十
年進士調惠州教授以母老請祠歷兼權戶部左曹
郎官轉對上面諭之曰聞卿頗留意職事民戶詞訟
一一料理書生能如此可喜也元鼎奏謝進陳民事
利害劄子五上上又曰卿不惟留意職事議論亦自
疏通翼日有旨薛某留意職事昨日輪對觀其議論
不似閩人遷秘書丞除軍器少監兼太子侍講是時
泰安在東宮泰安先宗爲大元鼎講解卦大象泰安
首肯之喻元鼎曰講解甚明深有闡發淳熙元年兼
權國子司業元鼎力援更迭之制乞先外補踰年除

提舉浙西路加直秘閣上諭元鼎曰以卿勸講東宮勞甚特畀道山寓直之寵被旨相視太湖元鼎親御舟沿江上下盡得江流曲折壅遏之狀奏開運河五十四里爲公私之便役成轉朝奉郎元鼎曰吾以利民耳豈敢以勞希遷乎除戶部左曹郎官時有長戶部者獻貢籍之說元鼎被旨往秀州欲以一州歲計綜覈其贏縮以爲天下準平諸公皆難其行議者以爲此法果行民受其病元鼎至秀州還以其所詳究本末涯流敷奏曰但見郡縣窘束不見有餘於是上可其請曰卿真實才而物議亦愈歸重頃之除吏部

尚書左郎官遷起居郎兼太子左諭德上益嚮用之而元鼎復求補外上曰卿何故求去元鼎對以母老上曰朕方欲用卿母老必須有福由是不敢言五年暫兼權給事中一日直前奏事上云卿真直諒多聞甫旬浹有母之喪上聞嘆惜曰朕方欲大用之即遣中使傳宣有仰薛某節哀自衛以俟他日擢用之語異眷也元鼎護喪歸將及境以病卒有講義并詩文集藏於家

出華述等書

鷺字君立元鼎次子甫晬而孤母鄭氏携依外家教養幼有志略工文詞嚴州教授李天隱器之至元中

值亂夫母所在驚號泣禱于神得吉卜遂累糧出訪
母果無恙已而戶外事殷征繇趣迫勉受鈔庫使尋
以母老辭母喪服闋遂不復仕因號鐵耕道人有故
人航海被害鸞間關瘴區期在復讎果獲寇抵罪竟
以是冒暑發瘡卒

見黃仲
元集

姚宗之薛元鼎傳第三十五

黃公度翁點黃艾陳漳鄭鑑傳第三十六

黃公度字師憲唐御史遷八世孫紹興八年省元免
御試賜進士第一人初任簽書平海軍節度判官兼
南外宗簿有流民數百輩自汀虔下守將疑其變繫
之公度力辨其非悉縱之代還除秘書省正字時秦
檜當國公度坐與趙鼎往來又貽書臺諫譏切時政
檜銜之居數月以言者罷主管台州崇道觀十九年
差通判肇慶府攝南恩守增學廩擇秀民與之登降
揖遜學者用勸南恩自唐貞觀置郡至是始有梁作
心者登第邦人像而祠之二十五年檜死高宗更化

始召還因詢以嶺外弊事公度曰廣東小郡有十年
不除守臣者權官苟且郡政廢弛民受其弊高宗曰
若卿歸吏部當無此弊遂以公度爲考功員外郎兼
金部官終左朝請郎累贈正奉大夫公度工詩效杜
甫古律格并雜文凡十二卷號知稼集

雜出文獻通
考及方志

翁黥字沂伯乾道二年登第歷湖南轉運判官盡弛
本道酒權提點江東刑獄常平使者行役法饒戶多
貧下民不謂便點貽書諭意亟止之開禧初有旨召
赴行在御史徐棟韓侂冑黨也劾點貪黷嗜進等事
寢召命點聞之上章自辨謂柝私托不行所以貽怒

且侍郎楊輔秘書劉起晦皆今之望也方籍以爲國
家元氣楊輔赴召已到夔府值漲未能出峽起晦向
與柵作縣相隣職事相關一旦報怨併及兩人皆論
罷之中外無不失望臣恃與柵有平昔之舊遂宛轉
以言勸之由是大不相樂侂冑見其章大怒於是這
三官送新州安置已而點卒于貶所人皆傷之

陳均新編宋
明綱目篇要

出泉
州志

黃文宇伯耆乾道八年廷對第二累歷清要朱文公
知漳州奏行經界朝議未定文宇對入劄子言今日
以天下之大公卿百官之衆商量一經界三年而不

成使更有大於此者將若之何光宗卽付出行之淳熙末以秘書丞充嘉王府贊讀已而補外王卽位召爲右正言兼侍講遷左司諫改權工部侍郎仍兼侍講會朱文公罷講筵艾因進講問遂熹之驟寧宗曰始除熹經筵耳今乃事事欲聞艾恚請再三不聽除中書舍人明年充金國正旦使還改刑部侍郎以待制終方盛年人咸惜之

出宋史

陳煒字光仲淳祐中爲監察御史首論不才執政有令換䟽者煒答以頭可斷䟽不可換除太府少卿不拜而行召奏事力辭除廣東轉運判官

出通志

鄭鑑官著作郎立朝敢言孝宗謂其直出於肺腑非
矯僞者後卒朱文公祭之以文謂其有古爭臣之風
出一
統志

黃公度翁黠黃艾陳煒鄭鑑傳第三十六

許歐王方傳第三十七

許搏字公執建炎三年進士調泉州教授兼宗教以
叅政謝克家薦召對改秘書省正字累遷監察御史
檢察無苛南渡後典籍文物十無一存歲當科舉故
事無所於考欺偽者衆時以搏多所諳練特遷禮部
貢外郎搏辨決真偽士流清肅初宣和間嘗以事忤
秦檜至是檜得政丐祠以宣教郎終時同郡方擴林
廷彥亦有聲擴字端立登紹興二年第歷知閩平陽
二縣部使者上治狀有旨增秩特授臨安府判知岳
州居官奉養如布衣時惟以周貧恤舊為急廷彥字

朝美本路類試第一登紹興二年第調連江縣尉改

永春縣當官俸餘不入私室屬草寇倡獫狁代者辭難

凡四書考百里按堵民祠之

雜出何志等書

歐陽直卿字溫叟四門廕之後詹晉江人來莆讀書

於靈巖精舍後其子孫皆居莆直卿少嗜學能屬辭

調劍浦縣簿張魏公出鎮福州激直卿決長樂縣滯

囚材之薦為惠州軍事推官白郡守以河源餘菽麥

令輸送而海豐瘠土聽輸直歲率以為常自清漳以

南山谷多剽鹵守將尸居龍川卒有警而他郡分屯

者不即下直卿數走龍川歷阻隘見將校道勞苦自

是多感慨為之擊賊遷海陽令改知漳浦縣直卿素有能聲所至號為易治第清卿紹興二年進士終建寧府教授

出父軒集

王悅字習之與晞亮同族第紹興十二年進士為人性直孝宗即位嘗召見極論不可講和上喜謂奸議論遂除官歷國子監丞兼權吏部郎出知衢州乾道四年七月因禱旱憂瘁而卒衢民德之為立廟事聞

贈直龍圖閣

雜出宋史等書

方應發字君節高祖漸南恩守藏書最富扁其書樓曰富文子孫相傳為富文方氏應發幼孤感奮自立

稍長有文名第淳祐庚戌進士授臨江軍教授累遷
宗學諭史館校勘差主別頭試時相丁大全有密客
力囑以子峻却之除太學博士董宗臣方用事應發
與學官徐庚金等六人伏闕言之且曰宋臣不死臣
等無生不報補外添差通判建寧府召除國子監簿
復申前請語益峻切遷國子監丞秘書即時賈似道為
相遣其幕客諷應發為文以獻壽不答坐以言者罷去
起知潮州適潮陽盜起應發急赴郡招撫皆帖服聽命
召入兼權禮部郎官國子司業出知漳州漳賊尤倡
獫聞應發威名皆投戈效順吉賊鍾先久窟漳之砦

山及是遁去應發遂爲定南寨於其地聽民取利禁
山不禁龍巖巨賊關維石亦聞風遁汀界會除應發
江東提舉未行亟聞于朝劾成將老繆者易之薦有
咸望者爲統制督兵以捕之雖爲所擠坐劾予祠不
爲動卒成擒乃歸奉祠里居而僊遊石手挺諸賊方
熾應發身任招捕傾困出帑廩犒兵士登陴指揮悉
就俘馘德祐初除國子司業累擢右文殿修撰出爲
浙東提舉景炎時爲刑部侍郎累陞禮部尚書以端
明殿學士充福建招捕使宋亡後十年卒年六十六
應發以文章進身而排難折衝尤有過人者平居孝

友仁恕恩意藹然當事剛果決烈有奇男子風獨鄉
人鄭鉞記陳文龍事謂文龍以閩廣宣撫繕守興化
時元兵攻圍急應發勸文龍降文龍手劍逐之司業
吳源著莆陽名公事述亦載其事如此

述出事

許歐王方傳第三十七

鄭茅林陳蔣允陳傳第三十八

鄭昇字元舉淑之後也淑自莆之南湖遷于僊遊其子孫遂爲僊遊人昇登皇祐元年進士第試秘書省校書郎終循陽理振蒞官有能聲昇自少刻苦問學於書無所不讀而尤深於易春秋皆有著述以發其疑義詩文亦工緻可觀

可復昇孫字彥脩嘉定七年登進士第調東陽縣尉縣人喬行簡方處要路族黨情勢撓法可復屹然守正不少屈行簡深器之官至朝奉郎可復性儉朴他無所嗜好惟喜古書嘗修爾雅及刊戴氏禮祿俸餘

貨悉以市書手自編錄晚年積至數千卷

出仙
志

茅知至操尚介潔不求聞達博通墳典倡六經孔孟之道以開明人心漕使龐籍疏其德行薦于朝景祐四年勅補國子助教知縣皇甫當記其事蔡襄書之

出仙
志

林大有字亨之自號紫陽翁江州倅一鶚之孫也年十六即棄舉子業千里求師授六經不爲章句之學招捕使陳韓將聞于朝授以官大有搖手止勿破戒咸淳初以子雷龍預薦賜迪功郎命書下僅一御冠裳拜於庭退即易褐他日語子孫曰生稱善人死衣

於墓曰處士吾願足矣及卒四如黃仲元書其墓曰

隱君子云

出人物志

雷龍大有子字伯雨魁梧坦易博通經史天文地理貫穿融液甚爲陳韓所奇咸淳初預鄉薦僊遊寇起逃難郡城北山方應發檄爲錄事叅軍遷莆田令尋以宣教郎通判興化軍至元改物以治中署邵事安集流離震撼以定年餘棄去自號清逆處士長於詩有耕吟前稿醉吟漫吟後稿又工字學有泰山草韻一百有六字一萬七百有奇

出備志

陳高字可中閩之從子也少遊湖學補太學生登元

符三年進士第召試除大學錄祭酒龔原司業傅拱
薦其潛心經術尤深於易遷太醫學司業時有紫芝
對產於北堂之左應制撰雙芝記累上封事以切直
忤鄉相蔡京慨然力請休致卒官至朝奉郎等出方志
蔣雖字元肅少博學強記於書無所不覽爲文若不
經思援筆輒數千言鄉先輩宋藻以經傳書疏相繼
隨問隨答每以南方夫子稱之設席郡庠戶外屢常
滿與林光朝同時十人俱知名號青陽十先生紹興
十四年試詞賦兼春秋舉于鄉越六年罷無幾計以
詞賦再薦登進士第教授泉州守王十朋見其文大

加賞識遂與定交雖因作夢僊賦以獻十朋稱其詞
新意古蓋長卿賦大人太白賦大鵬之比嘗撰時政
十議十朋見而嘆曰經世之文也泉舊無貢院雖白
守即郡西創焉後知江陰軍乞將歲科綿絹本色內
下戶畸零端兩疋數並無估折細民便之知通州以
郡人張次山坐與程明道邵康節同好惡得罪及陳
瑩中任德翁嘗遷謫于此合爲堂祀之以厲風俗扁
曰三賢秩滿入覲首言江東鹽課較之淳熙七年出
入之數虧二萬緡時主鹽筴者方以衍課增秩上矍
然曰某人欺朕因訪本末雖口誦指畫應對如響上

曰卿材通練當以藩郡處卿雖拜謝上目其背曰方
面材也將除贛州爲執政所沮遂退居樸鄉十餘年
凡四請祠以壽終子祈字子舉以父任補官侗儻有
大志博洽有文才嘉定元年借朝奉郎充持書金國
軍前副使三至虜帳議和請還淮陝侵地旣而和議
成朝廷方推賞而祈卽世矣祈所與交游者皆一時
名士而方信孺王居安尤相親密云從子有秋字力
父嘉定十年登進士第與王邁同年最相友善居官
所至有廉名終朝奉郎知永春縣

出德
縣志

尤彬字叔文家貧苦學攻詞賦有聲一時名士如知

崇安縣林澧特延爲館賓葉崇王邁皆與之爲友陳
立伯損伯傳澄皆師享之端平二年特奏名調真陽
主簿卒于官同邑有喻峙者字景山紹定五年特奏
未老即掛冠隱居大飛山中以詩與郡人陳安相唱

酬

出傳
志

陳冲飛字季翼經學該貫尤精於易紹定二年特奏
名調寧德尉帥曹勗器其才名不敢以屬吏目之號
存軒從子堯道登端平乙未第

出傳
志

陳之亮字漢傑長於詞賦有聲場屋與臞軒王邁爲
友後學多宗師之舉于鄉累試禮部不第淳祐七年

待奏名調歸善主簿卒

出儒
錄志

鄭茅林陳蔣左陳傳第三十八

方林柯趙余鄭傳第三十九

方秉白字直甫號草堂隱居教授林光朝方翥劉夙
劉朔諸名士皆其友也孝宗朝憲臣以孝廉薦不起
傳家惟書數厨而已郡守趙彥厲嘗辟脩莆陽志後
以子阜鳴恩贈朝散大夫有草堂文集同時翁元字
柔中一字子西號荔枝臺隱居濠林教授後學亦嘗
與脩莆陽志

出通志
等書

阜鳴字子默嘉定元年由特奏名調泉州僉判時真
德秀爲守阜鳴嘗言滅門刺史破家縣令此衰世事
古人惟曰愷悌君子民之父母而已德秀擊節嘆賞

改鎮南軍僉判阜鳴宿儒而兢畏抑損特甚於他人

性清儉居官秋毫不苟取德秀每以其仕晚用小爲

恨云

出通志

方汝一字清卿曾祖秉侯與其群從秉白同時有隱操父碩子登端平二年第爲南海尉汝一幼竒逸考古著書自娛所著易論二十篇江東將相論十篇評兩漢史贊若干篇又有詩文號小園僻藁嘗袖所評班書謁劉克莊克莊曰范史罕讀者僕欲稍添注脚病耗未能君有意乎汝一遂接讀范史著新評甫脫

藁卒

出備志

林大鼎字梅卿，蘊九世孫也。登紹興五年進士。秦檜薦用之，由諸王宮大小學教授，兼秘書省校勘書籍。官遷太常寺簿，兼尚書郎。歲率一遷，由簿爲丞，由丞爲監察御史。又擢殿中侍御史，俄拜右諫議大夫，兼侍講。率歲中再遷，遂權吏部尚書。檜以高宗且厲意大鼎，亦頗忌之。間一歲，遂出知泉州。丁外艱，服除，以左朝散郎提舉江州太平興國宮。尋卒。大鼎初識林艾軒於逆旅，艾軒方感暑疾，陽結胸滿，累臥然枕席視之者，毛豎不自定。大鼎獨取藥，與之一再往，爲之執劑，餌無厭去意。士多義之。平生好書，卷竒篇隱秩。

行辭要語悉能道之劉著作風狀其行謂公與鄭湘
邨岸皆爲場屋業幾有名稱者湘鄉出語險處視蜀
邨易處抵秦川公乃挾奇摘恠窮討極取枝枝相亞
自以爲王勃吳融如可作未應獨步也艾軒亦謂建
炎之初元祐聲律翩翩然復起當其時諸老先生散
落無幾有以蟲鳴卉木樓臺煙霏尺校寸量珠旋王
積貶杜牧吳融若不足道惟公爲然耳子四人寶慈
寶檢皆以父任補官

山林文軒
集等書

柯夢得字東海夔上春官不第嘉定七年以特科入
官一生苦吟古詩學孟東野有抱甕集及選唐絕句

行世

出通志

趙庚夫字仲白舉進士不第以宗子取應得右選平生志業無所洩一寓於詩嘗自刪取五百首既歿劉克莊擇百篇爲山中集屬趙以夫序而傳之子時願擢進士甲科仕至工部侍郎

出趙志等書

余謙一字子同祖奭之玄孫師魯之子也謙一與弟士明連中江西漕試而謙一第咸淳元年進士士明亦以進士得官

按事述不言其第進士在何年而謙一

謙一

調泉州石井書院山長召爲國子監書庫官除太學博士改宗正寺簿差知化州元至元後不仕士明亦

知泉州南安縣謙一好爲古學辭語渾成而警切名
文章家其言曰七日之文易了而易腐千古之文難
工而難腐著述數十藁兵後多散逸出近記

鄭鉞一名少偉字夷白號雲我露之裔也咸淳中特

奏名與黃仲元郭陞俱閩中之望仲元號四知自育傳陞長樂人元時

爲興化路教授宋末陳文龍守興化軍鉞其門客也嘗記文

龍遺事其言甚痛憤激烈詳見文龍傳入元不復仕嘗與

陳子修讎校通志略盡復夾漈聯比銓次之舊陳子修傳

傳入元著孔子年譜仲元序之謂是譜首以聊大夫

二事歷卷前書所未有謂儀封人請見爲由魯適衛

時謂魯公問政及荅季康子數問皆歸魯以來事此
見又確謂夫子未嘗師剡子謂行乎季孫三月不違
斯言非知夫子者此論又高又鉞所著詩文有雲我
存稿亦仲元爲序

方林柯趙余鄭傳第三十九

陳文龍陳瓚傳第四十

陳文龍字君貲高祖宋卿與丞相俊卿為初從兄弟
陳至俊卿始大文龍濡染先訓厲志殫學工文詞負
氣節初名子龍咸淳五年廷對第一度宗易其名文
龍丞相賈似道愛其文雅禮重之由鎮東軍節度判
官歷崇政殿說書秘書校書郎數年拜監察御史皆
出似道力然自十數年似道所置臺諫皆聞其臺中
相承凡有所建白皆呈藁似道始行至文龍為之獨
不呈藁已忤似道知臨安府決起長請行類田似道
主其說文龍上疏以為不可以道怒寢其疏襄陽父

被圍似道日恣淫樂不少加意時陽請督師而陰使
其黨留已竟失襄陽文龍上疏極言其失范文虎總
師無功似道庇之以知安慶又除趙潛知建康黃萬
石知臨安文龍言文虎失襄陽今反見擢用是當罰
而賞也潛乳臭小子何以任大閫之寄萬石政事怠
荒以為京尹何以能治請皆罷之似道大怒黜文龍
知撫州旋又使臺臣李可劾罷之未幾呂文煥導元
兵東下文虎首迎降與文煥俱東似道兵潰魯港潛
最先遁以故列城從之皆遁始悔不用文龍之言起
為左司諫尋遷侍御史時邊事甚急王燾與陳宜中

不能畫一策而日坐朝堂事私意潛說友以平江降
臺臣請籍其家燬以為可宜中以為不可張世傑諸
將分四道出師而大臣不監護臺諫論之燬請行邊
下公卿雜議宜中請出督師又下公卿雜議文龍上
疏曰書言三后協心同底於道北兵今日取某城明
日築某堡而我以文相遜以迹相疑譬猶拯溺拯焚
而為安步徐行之儀也請召大臣同心圖治無滋虛
議其後宜中與燬終不相能而去至十月始來事已
不可為矣是冬累遷文龍至叅知政事於是張世傑
之師敗焦山文天祥之師敗獨松開朝廷急徵二人

入衛而元兵已進至杭北關外文龍請身督殿旅合
江下義丁決一死議不合張世傑等遂以益王廣王
趙聞衆議降元文龍乃上章乞歸養既出國門而悔
之復上疏求還不報乃歸五月益王稱制于福州改
元景炎復以文龍叅知政事八月漳州畔以文龍為
閩廣宣撫使討之文龍以黃恮前守漳有恩信辟為
參謀官拔兵泉州侯恮入招撫之恮至民皆頌首謝
罪興化有石手軍者能擲石中人議者以其不足用
罷之石手軍亦畔復命文龍為知軍平之十一月元
董文炳阿剌罕等以兵至福州益王趙廣州命文龍

依前官充閩廣宣撫大使於是殫家財募萬兵即興
化軍開閩已而降將王世強復導元兵入廣建寧泉
福皆降知福州王剛中遣使徇興化文龍斬之而縱
其副以還使持書責世強剛中負國遂發民兵自守
製生爲宋臣死爲宋鬼兩大旗植軍門巡城則命持
以前導十二月太學生盧澤銜命諭降文龍斬候卒
注其頭槊上徇軍前澤逸去叛將陳淵林華潛附于
元軍爲之嚮導詭文龍援兵至開閩納之計議官李
珙首倡軍民迎順小校黃泰躍馬突至設廳稱有太
皇太后詔逼驅文龍出併其家盡俘以去

按宋史本
傳云時城

中兵不滿十元兵來攻不克使其姻家持書招降之
文龍焚書斬其使乃使林華俱伺境上華即降且導
兵至城下通判曹澄孫開門降執文龍與其家人
至軍中此與事述所載後不同蓋記有詳畧也

龍至福州見董文炳等不屈左右凌挫之文龍指其
腹曰此皆節義文章也可相逼耶尋命左右引就館
元帥唆都往來諭意且以母老子幼感動之文龍曰
宋無失德三宮北狩二邸深入瘴煙何必窮兵至此
我家世受國恩萬萬無降理母老且死先皇三子岐
分南北我子何足關念情詞慷慨唆都愀然改容乃
械繫送杭州文龍去興化即不食至杭餓死其母繫
福州尼寺中病甚亦不肯服藥左右視之泣下母曰

吾與吾兒同死又何恨哉亦死衆嘆曰有斯母宜有是

兒爲收瘞之

按事述云董文炳等爲送其婦前蒲壽

庚以泉州降元告其民曰陳文龍非不忠義如民何聞

者笑之始文龍答侍郎許自書曰國事至此惟當決一

死以守又曰不愛一身死不愛一家死但欲存趙氏一

脉又復唆都書曰平生讀書但識孟子效死勿去句左

傳有殞無二句他非所知也又有風其納款者文龍曰

諸君特畏死耳不知此生能不死乎文龍死志素定故

卒能以身徇國而無少係累焉後訃聞行朝詔謚忠肅

賜廟號昭忠

推出生宋史本傳及事述等書

元至正間朝廷特遣宣使

李文虎齋詔至郡尋訪文龍子孫將錄用之而卒無一人應之者蓋其流風遺烈傳至其子若孫而猶未艾云郡人鄭鉞號舒堂文龍客也嘗著文龍遺事大槩俱已見本傳有曰初蒲壽庚以泉州降宜中督贊方應發有異志勉公少屈公責以大義手劍逐之及林華等詭稱印家兵赴援公開關延之小校黃泰躍馬至稱太皇有詔公朝服西向再拜曰臣得死報陛下矣瞑目叱泰曰奴敢殺我乎遂抽刀欲自裁而肘已為左右所執有奪刀以去者遂擁公上馬至營二十五大將環甲出公下馬據胡床瞪視忽民間火發公延頸進曰速殺我無害百姓甲

者悞傳令偵縱火者斬之旣明盡室俘以行先是杭人夢兩街騎闕傳言岳武穆代者至密視之則公也及至杭謁岳王廟一慟幾絕語監者曰吾病矣留宿廟下以其夕卒時年四十六又曰公負六館盛名魁天下士不八年起登政府時事且急惟以皇帝所賜馬自隨每控轡輒於邑淚下及被執薨馬亦尋斃公為人敦信義初授蔭補不以澤其子而以澤其弟繼執政推恩不以恩其門館而以恩其故人即之謙謙若甚懦及當事乃更不草草亦天性自爾景炎公入覲督相文天祥自金陵來會相與慟哭國事首議分

重臣出督不報既而北警傳至即報可而國事去矣
公竟不屈死杭文公竟不屈死燕宋三百年其未造
也江閩兩大魁出俱以節死嗚呼公死國于負公子
負公因記憶述公遺事如右使予幾年不死假有物
色前代逸史者使我遺事得白公大節吾不死又何
待哉推書撲速

東忍當
作按

淚下沾土

陳瓚字瑟玉太府寺丞宓之孫叅政文龍之從叔也
瓚少有大節宋末知必亂無仕進意於是散粟帛以
濟饑寒曰吾家世受國恩當為國收民心耳及賈似
道潰師蕪湖起文龍執政瓚語文龍曰今天下之勢

已危列郡皆團兵自守此不足以討賊適足以餌賊也爲今之計莫若勸上盡召天下之兵屯聚沿江要害擇賢王與文武才幹之臣分督之敵若來戰併力齊奮則國猶可爲也文龍撫然曰叔父之策固善然柄國非人恐不能用是行也某必死之德祐丙子五月張世傑等以益王卽位福州八月廣州亂以文龍充閩廣宣撫討之十一月帝趨海命文龍開閩興化贛率家財三百萬緡航海以助張世傑贍軍世傑欲授以官璦曰吾爲忠義所激而來豈買爵耶不受辭歸十二月叛將林華陳淵與通判曹澄孫以城降元

文龍被執北去璜曰吾姪不負國吾當不負吾姪即
陰部署賓客募民義景炎二年二月晦以兵攻林華
等誅之復興化軍以其首告于祖廟遂獻于朝端宗
嘉其忠義命以通判權守興化且令乘勝與世傑犄
角復福泉二郡九月元唆都以兵攻興化璜號令嚴
整每巡城必南向號慟士皆感奮十月旣望元兵蟻
附登城璜力不能支又率家丁民義五百人巷戰元
兵死者千餘璜被執唆都欲降之璜罵不屈唆都大
怒車裂於五門以徇屠城三時血流有聲張世傑以
其事聞贈兵部侍郎謚忠武子二長若水張世傑辟

爲督府架閣次景濟

述山事

陳文龍陳瓚傳第四十

林阮陳宋方林卓傳第四十一

林冲之字和叔係出晉晉安太守祿其後自晉安徙居莆之長城至唐殿中侍御史讜又析居刺桐巷兄深之熙寧九年進士調松溪尉南劍州錄事參軍侍御史張汝賢察訪閩部見建劍訟牒堆積委深之理之時他郡連起大獄追逮相屬于道二州獨賴深之以免及爲福建觀察推官其使無鉅細事一聽深之處裁以朝奉即致仕冲之元符三年進士調邵武軍司戶參軍崇寧中詔群臣舉中外學官冲之以諸名卿交薦得杭州教授秩滿諸生復請留之在杭六年

乃貳去

出何志等書

歷御史臺檢法官太宗正丞都官金

部郎以不能阿當路滯省寺者十年出守臨江南康

靖康初召爲主客郎中金人再來侵詔副中書侍郎

陳過庭使金所厚者咸危之勸使勿行冲之曰人臣

事君生死以之此何時而可辭王事耶遂行同被拘

執初猶給乳酪以文虛中受其命金人亦以是邀

之冲之奮勵見詞色金人怒徙之奉聖州既二年過

庭卒金人逼冲之仕僞齊不屈徙上京又不屈置顯

州極北沍寒之地幽佛寺十餘年漸便飲茹以義命

自安髭髮還黑病亟語同難者曰某年七十二持

入地無恨所恨者國讎未復耳南面一慟而絕僧空

之寺隅洪皓還朝以聞詔與二子官

出宋史忠義本傳

鄭樵

哭以詩曰官似馮唐能老去節如蘇武不生還蓋深

悲之子郁從子震霆郁宣和三年進士調解州司刑

叅軍州兵以衣賜不均訕訕謀爲變郁言於部使者

均之乃定咸曰生我者司刑君也再調福建茶司幹

官靖康初建州勤王卒自京師還求卸甲錢郡守張

勳持不與曰事屬計司衆恚取庫兵爲亂殺轉運使

毛奎判官曾存主管文字沈昇郁聞變急入諭卒曰

爾不見江寧錢唐事乎周德輩今皆安在爾等自父

祖隸禁軍衣食縣官國家何負於爾危急不能立尺
寸功尚不知爲性命計耶衆業已殺轉運官徑前取
郁郁且罵且叱至死不絕聲事聞詔各與一子官震
父渙之官至朝奉郎震累官左正言權給事中以論
諫不得其言遷太常少卿除直秘閣歷知鎮江府時
蔡卞王夫人得請賜地建閣儲御書因取素所不快
者腴田并有其禾震俾償之王恚上其事朝廷移震
守汝州部使者祝林受中人旨籍魯山民田五萬頃
入御府以爲冒耕官田民謗亡命謀爲變震遺錄事
于謗諭以禍福令輸租佐御府列上其狀詔部使者

履畝定租召入除起居郎遷秘書少監卒震志在攻
京下多論列自號介翁霆父澤之冲之弟也霆登第
太宰余深侍郎許將皆欲妻之霆曰若人之女安能
事吾母兩辭之累調烏江丞縣舊有河歲久湮蕪權
貴墾爲田霆斥而導之無所畏避溉田數千頃歲以
大稔邑人祠之靖康初從父冲之被命使金霆三上
書請代往不報還里不復仕紹興中秦檜以霆有庠
序之舊召爲詳定司勅令所刪定官霆見檜曰公忍
以二帝置萬里外易一相位乎力辭去檜死轉承議
郎通判衢州遷湖州以二寡姊年垂八十不欲遠宦

告老而歸霆篤行義未嘗干進入仕四十年歷官五
任而已在南陽時與趙不群同僚有監司逞私憾以
事囑趙趙謀於霆霆曰吾人初委質行已之道當
此始其可以一生名節而徇他人乎及趙知建州
霆書曰不群終身不墜小人之域者賴公南陽之一
霆博學深象數人謂邵堯夫之後惟霆得其傳
樵爲金石交林光朝嘗師事之聚書數千卷皆自
雖謂子孫曰吾爲汝營獲良產矣莆人稱其忠義
氏寶慶三年即其所居立祠寶祐中又給田百畝使
備祭享以勸忠義

雜出宋史冲之
傳及何志等書

阮駿字千里祖遵慶曆進士節度推官父之才元曾
特科知南雄府駿紹聖元年進士監台州稅方臘犯
台州守委以防禦事駿率兵射賊踣死五百餘人賊
亟引退重書褒獎轉朝散郎建炎元年除河南少尹
兼西京留守是冬金人南寇駿與孫昭遠率兵拒戰
不利駿以神御在府亟收兵護神御殿以餘兵再戰
又敗乃抱神御指賊大罵死之事聞朝廷褒贈三官
進朝議大夫雜出宋史
上傳等書方臘之難金寇之禍死事者
又有葉居申徐漑居申元符三年進士通判睦州賊
臘方起居申不避難而前到官與戰不利死事聞官

其二子溉字叔清奉議大夫銳之子以世嘗入仕高
宗幸維揚虜騎侵逼臣僚奔潰溉以國子監丞護駕
渡江殞於難紹興初特授將仕郎官其一子銳少子
陳淬字君銳紹聖初下第懷策西遊時呂惠卿帥
鄜延淬戎服往見惠卿問相見何事淬曰大丈夫求見
大丈夫又何事乎惠卿器之補三班奉職與西人接
戰于烏原手殺十餘人擒其砦主奏爲左班殿直御
延路兵馬都監累遷武經郎丁外艱宣和四年召赴
闕授真定路分都監兼知北砦河北第一將尋拜忠
州團練使真定府路馬步副總管七年金人入真定

淬以孤軍禦之妻孥八人皆遇害建炎元年時諸軍
統制宗澤命擊金人於南華敗之兼大名府路都總
管兵馬鈐轄擢知恩州王善者金之種落也擁兵十
萬長驅兩河遂襲恩淬與長子仲剛拒戰賊飛刃及
淬仲剛以身蔽刃死之明年善復圍陳州淬大敗善
兵拜宿州安撫使李成叛詔以淬爲御營使六軍都
統淮南招撫使討之三戰三捷未幾金人犯采石又
檄淬回援建康淬將中軍戚方將前王瓌將後淬曰
彼衆雖多然止有二十艘一艘不越五十人每至不
過千人吾伏兵葭蘆翳薈間俟其旋濟旋獲前後不

相知訖濟當盡獲矣杜克不從金兵遂犯板橋諸軍
皆潰淬獨與賊勢窮力盡據胡床大罵刃交於脅而
色不動與其從子仲敏俱死詔贈拱衛大夫明州觀
察使官其一子一婿

宋史本傳

宋旅字廷寶第大觀三年進士累官奉議郎知剡縣
方臘既陷歙睦杭衢婺五州且犯越越盜亦起應之
縣吏多遁旅獨與民據守以忠義激勸部勒隊伍爲
豫備計俄而盜衆大至躬率壯銳冒矢石鏖戰殺獲
終以力不敵死之剡人悲哀爲立廟帥劉韜上其事

詔贈朝散郎錄其四子

宋史本傳

方喜字良翰提舉臨之孫辟燕山工曹掾燕雲陷虜
今一時陷沒者悉易告喜南望霄涕盡取出身文字
焚之惟留承奉卽告置衲衣中道梗不得歸始與講
好防禦少弛喜變姓名携數釋閒道逃歸抵廬江邊
守以聞得旨特轉一官改差泉州監稅比還家鄉人
環視嘆息以爲換世人形之謬詩至比蘇屬國言其
在燕十九年後通判廣州終于官龔參政有詩云八
千里外望歸雲十九年間送落暉書至上林無別語
孤臣有死不忘君

出比事

林興宗字景復父叢乾道二年進士知橫州興宗以

門蔭補官調泉州節度推官李全旣降命與宗爲淮
安州法曹遷淮安令未幾全復叛已而兵敗其妻楊
氏俘南官以去興宗流落梅州膠西青社十餘年採
杞拾橡以充饑或賣卜教小童以自給家人不知其
存亡淳祐中趙葵在淮閩遣間物色得之興宗屢以
帛書報虜機事庚子遂自拔而歸葵驗其縣印告身
如故葵乞旌擢以勵臣節喬行簡等議置之朝列不
果詔改宣議郎通判澧州改淮安州乞解官追服母
喪服除改通判廬州呂文德辟淮西安撫叅議官改
叅議湖南知南恩州在郡三年境內稱治擢知韶州

清約而豈弟以積勞致疾卒興宗豪爽磊落嗜義輕財平生不爲身計例應轉秩賞皆耻自言喜爲詩在兵火不廢自號全壁有集若干卷

出倫志

卓得慶字善夫號樂山五世祖厚游洋人熙寧進士崇寧間修樂書厚與討論卒官吏部員外郎祖成童始徙居莆得慶登紹定五年甲科教授道州歷秘書著作郎兼沂靖惠王府教授左曹郎官以忤賈似道出知漳州平畬寇次年嘉禾產一莖九穗最上賜詔褒寵召還授兵部郎中兼國史院編修官實錄檢討官不拜提舉雲臺觀德祐丙子以大理卿趣行辭以

疾景炎二年便旨除右文殿脩撰戶部尚書兼福建
制置司叅謀官是冬十月元兵逼城得慶與家人訣
曰柱傾維絕雖千百年何益寧前一尺毋却一寸與
其藏溝瀆而生曷若守家廟而死俄甲士至執得慶
并二子規權絞之黃仲元銘其墓稱爲忠孝父子得
慶早以詞賦名晚深於易丞相江萬里深器之仲子
準承直郎監福州海口鎮

出彭志

林阮陳宋方林卓傳第四十一